

Na osnovu člana 31. stav 4. i člana 72. Zakona o hrani („Službeni glasnik BiH“, broj 50/04) i člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko distrikta Bosne i Hercegovine na _____sjednici održanoj _____2022. godine, donijelo je

PRAVILNIK O NOVOJ HRANI

Član 1. (Predmet)

- (1) Ovim Pravilnikom utvrđuju se pravila za stavljanje nove hrane na tržište Bosne i Hercegovine.
- (2) Svrha ovog Pravilnika je osigurati pravilno funkcionisanje unutrašnjeg tržišta Bosne i Hercegovine pružajući pri tome visok stepen zaštite zdravlja ljudi i interesa potrošača.
- (3) Ovaj pravilnik je usklađivan sa Uredbom (EU) 2015/2283 Europskog parlamenta i Vijeća od 25. studenoga 2015. o novoj hrani, o izmjeni Uredbe (EU) br.1169/2011 Europskog parlamenta i Vijeća i o stavljanju izvan snage Uredbe (EZ) br.258/97 Europskog parlamenta i Vijeća i Uredbe Komisije (EZ) br.1852/2001.

Član 2. (Upotreba izraza u muškom i ženskom rodu)

Riječi koje su radi preglednosti u propisu navedene u jednom rodu bez diskriminacije odnose se i na muški i na ženski rod.

Član 3. (Definicije)

- (1) Za potrebe ovoga Pravilnika primjenjuju se definicije utvrđene u čl. 2. i 3. Zakona o hrani („Službeni glasnik BiH“, broj 50/04).
- (2) Primjenjuju se i sljedeće definicije:
 - a) „nova hrana“ znači sva hrana koja se nije u značajnoj mjeri upotrebljavala za prehranu ljudi u Bosni i Hercegovini, a pripada barem jednoj od sljedećih kategorija:
 - 1) hrana s novom ili namjerno izmijenjenom molekularnom strukturom, ako se ta molekularna struktura nije upotrebljavala kao hrana ili u hrani u BiH;
 - 2) hrana koja se sastoji ili je proizvedena od mikroorganizama, gljivica ili algi koja je iz njih izolovana;
 - 3) hrana koja se sastoji ili je proizvedena od tvari mineralnog porijekla ili koja je iz njih izolovana;
 - 4) hrana koja se sastoji ili je proizvedena od biljaka ili njihovih dijelova ili je iz njih izolovana, osim kada ta hrana ima historiju sigurne upotrebe hrane u BiH, te se sastoji ili je proizvedena od/ili je izolirana iz biljke ili sorte iste vrste dobivene:
 - tradicionalnim tehnikama razmnožavanja koje su se upotrebljavale za proizvodnju hrane u BiH, ili

- netradicionalnim tehnikama razmnožavanja koje se nisu upotrebljavale za proizvodnju hrane unutar BiH, ako te tehnike ne uzrokuju značajne promjene u sastavu ili strukturi hrane koje utječu na njezinu nutritivnu vrijednost, metabolizam ili nivo nepoželjnih tvari.

5) hrana koja se sastoji ili je proizvedena od životinja ili dijelova životinja, ili je iz njih izolovana, osim ako su životinje uzgojene tradicionalnim tehnikama uzgoja koje su se do sada upotrebljavale za proizvodnju hrane u BiH i ako hrana dobivena od tih životinja ima historiju sigurne upotrebe hrane na tržištu u BiH;

6) hrana koja se sastoji ili je proizvedena od kultura stanica ili tkiva dobivenog od životinja, bilja, mikroorganizama, gljivica ili algi, ili koja je iz njih izolovana;

7) hrana koja je rezultata proizvodnom postupka koji se do sada nije upotrebljavao za proizvodnju hrane u BiH, a kojim se uzrokuju značajne promjene u sastavu ili strukturi hrane koje utječu na njezinu nutritivnu vrijednost, metabolizam ili nivo nepoželjnih tvari;

8) hrana koja se sastoji od sintetiziranih nanomaterijala kako su definirani u stavu (5) ovoga Pravilnika;

9) vitamini, minerali i druge tvari koji se upotrebljavaju u skladu sa posebnim propisima ako:

1) je primijenjen proizvodni postupak iz stava (2) tačke g) ovog člana koji se do sada nije upotrebljavao za proizvodnju hrane u BiH, ili

2) sadrže sintetizirane nanomaterijale kako su definirani u stavu (5) ili se od njih sastoje;

10) hrana koja se upotrebljavala isključivo u dodacima prehrani ako je namijenjena za upotrebu u hrani koja nije dodatak prehrani u skladu sa posebnim propisom;

(11) „podnosilac zahtjeva” je subjekt u poslovanju s hranom koji na tržište Bosne i Hercegovine namjeravaju staviti novu hranu a registrovan je u Bosni i Hercegovini.

(12) “zahtjev za izdavanje dopuštenja” je valjan zahtjev koji sadrži dokumente propisane u članu 7. ovog Pravilnika.

(13) „sintetizirani nanomaterijal” znači svaki namjerno proizvedeni materijal čija je jedna ili više dimenzija manja ili jednaka veličini od 100 nm ili manje ili koji se sastoji od odvojenih funkcionalnih dijelova, bilo u unutrašnjosti ili na površini, od kojih mnogi imaju jednu ili više dimenzija veličine 100 nm ili manje, uključujući strukture, aglomerate ili agregate koji mogu biti veći od 100 nm, ali zadržavaju svojstva koja su karakteristična za nano nivo.

(14) Svojstva karakteristična za nano nivo obuhvaćaju:

a) svojstva povezana s velikim specifičnim površinama materijala koji se uzimaju u obzir;

b) i/ili specifična fizičko-hemijska svojstva koja se razlikuju od svojstava materijala istog sastava koji nisu u nanoobliku.

Član 4. (Područje primjene)

(1) Ovaj se Pravilnik primjenjuje za stavljanje nove hrane na tržište Bosne i Hercegovine.

(2) Odredbe ovoga Pravilnika ne primjenjuju se na:

a) genetički modificiranu hranu definiranu Pravilnikom o uslovima i postupku izdavanja odobrenja za stavljanje genetički modificirane hrane i hrane za životinje prvi put na tržište Bosne i Hercegovine i zahtjevima koji se odnose na njihovu sljedivost i označavanje („Službeni glasnik BiH“, broj 78/12 i 62/15),

b) hranu ako se koristi kao:

- 1) prehrambeni enzimi definirani Pravilnikom o prehrambenim enzimima („Službeni glasnik BiH“, broj 66/14),
 - 2) prehrambeni aditivi definirani Pravilnikom o prehrambenim aditivima („Službeni glasnik BiH“, br. 33/18 i 6/21),
 - 3) prehrambene arome definirane Pravilnikom o upotrebi aroma u hrani („Službeni glasnik BiH“, broj 78/14) i
- 4) ekstrakcijski rastvarači koji se koriste ili su namijenjeni korištenju u proizvodnji hrane i sastojaka hrane koja su definirana Pravilnikom o pomoćnim tvarima u procesu proizvodnje („Službeni glasnik BiH“, broj 28/11).

DIO DRUGI – STAVLJANJE NA TRŽIŠTE

Član 5.

(Opći uslovi za stavljanje nove hrane na tržište)

Nova hrana obuhvaćena područjem primjene ovog Pravilnika:

- a) ne smije na osnovu raspoloživih naučnih saznanja, predstavljati opasnost po zdravlje ljudi;
- b) ne smije svojom predviđenom upotrebom, dovoditi potrošača u zabludu, naročito ako je namjenjena da zamjeni drugu hranu i kada je njena nutritivna vrijednost značajno promjenjena i
- c) ako je najmjenjena da zamjeni drugu hranu, ne smije da se razlikuje od te druge hrane na način da bi njena uobičajena konzumacija bila nutritivno nepovoljana za potrošače.

Član 6.

(Postupak za stavljanje nove hrane na tržište)

- (1) Subjekt u poslovanju s hranom prilikom stavljanja nove hrane na tržište Bosne i Hercegovine podnosi Agenciji za sigurnost hrane BiH (u daljem tekstu: Agencija) zahtjev za stavljanje nove hrane na tržište BiH.
- (2) Agencija potvrđuje podnosiocu zahtjeva prijem zahtjeva u pisanoj formi u roku od 14 dana od dana prijema zahtjeva.
- (3) Kopiju Zahtjeva iz stava (1) ovog člana u pisanoj formi Agencija dostavlja Komisiji za stavljanje nove hrane na tržište BiH (u daljem tekstu: Komisija) koju imenuje Vijeće ministara BiH na prijedlog Agencije, u saradnji sa nadležnim organima entiteta i Brčko distrikta BiH.
- (4) Komisiju čine predstavnici sljedećih institucija: Agencija, Ministarstvo poljoprivrede, šumarstva i vodoprivrede Republike Srpske, Federalno ministarstvo poljoprivrede, vodoprivrede i šumarstva, Odjeljenje za poljoprivredu, šumarstvo i vodoprivredu Brčko distrikta BiH, Federalno ministarstvo zdravstva Bosne i Hercegovine i Ministarstvo zdravlja i socijalne zaštite Republike Srpske.
- (5) Agencija donosi poslovnik o radu Komisije.
- (6) Mandat Komisije je četiri godine.
- (7) Sredstva za naknadu za rad Komisije osigurat će se u budžetu Agencije.

Član 7. **(Poslovi Komisije)**

Komisija iz člana 6. ovog pravilnika obavlja sljedeće poslove:

- a) razmatra zahtjeve za stavljanje nove hrane na tržište BiH;
- b) razmatra zahtjeve za izmjenu, dopunu i obnovu za stavljanje nove hrane na tržište BiH;
- c) daje mišljenje na podnesene zahtjeve iz tč. a) i b) ovoga člana.

Član 8. **(Sadržaj zahtjeva za stavljanje nove hrane na tržište BiH)**

Zahtjev za stavljanje nove hrane na tržište Bosne i Hercegovine (u daljnjem tekstu: Zahtjev) mora sadržavati sljedeće podatke:

- a) naziv i adresu proizvođača ili onoga koji hranu pakira ili stavlja na tržište, a ima sjedište u Bosni i Hercegovini;
- b) podatke koji označavaju hranu na jednom od jezika u službenoj upotrebi u Bosni i Hercegovini (naziv hrane, lista sastojaka, količina određenih sastojaka, netokoličina ili količina punjenja, rok trajanja, uslovi čuvanja i upotrebe);
- c) zemlju porijekla;
- d) namjeravanu upotrebu nove hrane;
- e) dokaz da je navedena hrana na listi nove hrane odobrene u Evropskoj uniji, odnosno na listi odobrene nove hrane koju donosi Odlukom direktor Agencije.

Član 9. **(Postupak po prijemu zahtjeva)**

- (1) Po prijemu zahtjeva, Agencija isti dostavlja Komisiji na razmatranje.
- (2) Rok za provjeru zahtjeva iz stava (1) ovoga člana je dva mjeseca od datuma podnošenja zahtjeva prema Agenciji.
- (3) Ukoliko podnosioc zahtjeva dostavi nepotpun zahtjev, Agencija će na prijedlog Komisije o navedenom obavijestiti podnosioca zahtjeva, te tražiti dopunu.
- (4) Ukoliko u roku od 30 dana od objaveštenja podnosioc zahtjeva ne dopuni dokumentaciju, Komisija će istu smatrati nepotpunom.
- (5) Ako su ispunjeni svi uslovi propisani ovim pravilnikom Agencija na prijedlog Komisije donosi rješenje o stavljanju nove hrane na tržište BiH.

Član 10. **(Rješenje o stavljanju nove hrane na tržište)**

- (1) Agencija u roku od 30 dana od dana prijema mišljenja Komisije, svojim rješenjem daje, odnosno uskraćuje dopuštenje za stavljanje nove hrane na tržište Bosne i Hercegovine uzimajući u obzir sljedeće:
 - a) ispunjavanje uslova predviđenih članom 8. ovog Pravilnika,
 - b) princip predostrožnosti naveden u članu 8. Zakona o hrani („Službeni glasnik BiH", broj 50/04),
 - c) mišljenja Komisije i
 - d) sve ostale faktore važne za zahtjev koji se razmatra.
- (2) Rješenje iz stava (1) ovog člana mora sadržavati:

- a) naziv subjekta u poslovanju sa hranom kojem se izdaje dopuštenje;
 - b) naziv nove hrane;
 - c) uslove pod kojima se nova hrana može upotrebljavati (određene kategorije hrane i maksimalno dopuštene količine);
 - d) detaljan sastav nove hrane (specifikacija);
 - e) zahtjeve za posebno označavanje nove hrane u skladu s članom 15. ovog Pravilnika;
 - f) mišljenje Komisije.
- (3) Agencija odmah dostavlja rješenje podnosiocu zahtjeva i objavljuje ga u „Službenom glasniku BiH“.
 - (4) Rješenje se izdaje na period od pet godina, koje se može obnoviti u skladu sa članom 11. ovoga pravilnika.
 - (5) Protiv rješenja iz stava (1) ovog člana nije dozvoljena žalba ali se može pokrenuti upravni spor.
 - (6) Tužba protiv rješenja iz stava (1) ovog člana ne odgađa njegovo izvršenje.

Član 11. **(Izmjena i obnova rješenja)**

- (1) Podnosilac zahtjeva može podnijeti zahtjev za izmjenu i obnovu rješenja.
- (2) Zahtjev za obnovu rješenja za stavljanje nove hrane na tržište Bosne i Hercegovine podnosi se Agenciji najkasnije tri mjeseca prije isteka roka na koji je dato rješenje za stavljanje nove hrane prvi put na tržište.
- (3) Uz zahtjev za obnovu rješenja za stavljanje nove hrane na tržište Bosne i Hercegovine, potrebno je priložiti sljedeće podatke i dokumente:
 - a) kopiju važećeg rješenja;
 - b) sve dostupne podatke koji se odnose na dokumentaciju iz člana 8. ovog pravilnika, a koji nadopunjuju podatke već dostavljene Agenciji tokom prethodne procjene, a dopunjeni su podacima najnovijeg naučnog i tehnološkog razvoja;
 - c) dokaz o uplati administrativne takse.

Član 12. **(Zabrana stavljanja na tržište)**

- (1) Ako postoje naučne nedoumice u vezi sa štetnim djelovanjem nove hrane na zdravlje ljudi, Agencija, u saradnji s nadležnim organima, može privremeno zabraniti njeno stavljanje na tržište radi sprečavanja ili umanjivanja mogućih negativnih uticaja na zdravlje ljudi.
- (2) Agencija, uz prethodnu saglasnost nadležnih organa, trajno će zabraniti stavljanje na tržište nove hrane, ako se na osnovu naučne procjene rizika utvrdi njena štetnost za zdravlje ljudi.
- (3) U slučaju novih naučnih saznanja o tome da li je nova hrana opasna za zdravlje ljudi, subjekt u poslovanju s hranom obavezan je obavijestiti Agenciju.

Član 13. **(Registar o izdatim dozvolama)**

- (1) Agencija vodi registar o izdatim rješenjima za stavljanje na tržište nove hrane.
- (2) Sadržaj, forma i način vođenja registra iz stava (1) ovog člana sadržan je u Aneksu ovoga pravilnika.

Član 14.
(Lista nove hrane)

- (1) Na tržište Bosne i Hercegovine dopušteno je stavljanje samo nove hranu koja je kao takva dozvoljena za stavljanje na tržište Evropske unije od strane Evropske komisije i evidentirana u Listi nove hrane dozvoljene za stavljanje na tržište Evropske unije.
- (2) Listu nove hrane, kojom se preuzima Lista nove hrane dozvoljene za stavljanje na tržište Evropske unije, Odlukom donosi direktor Agencije i ista se objavljuje u "Službenom glasniku BiH", kao i na službenoj stranici Agencije.

DIO TREĆI – OZNAČAVANJE

Član 15.
(Zahtjevi za deklarisanje, označavanje i reklamiranje nove hrane)

- (1) Nova hrana koja se stavlja na tržište Bosne i Hercegovine deklarise se, označava se, reklamise se u skladu sa propisima kojima se uređuje oblast sigurnosti hrane.
- (2) Nova hrana koja se stavlja u promet na deklaraciji, pored općih zahtjeva za deklarisanje i označavanje iz stava 1. ovog člana, sadrži i dodatne podatke u vezi sa označivanjem, posebno u odnosu na opis hrane, njena svojstva, poreklo, sastav ili uslove predviđene upotrebe, kako bi se osiguralo potpuno informisanje potrošača o prirodi i sigurnosti nove hrane, naročito kada je u pitanju osjetljivija populacija stanovništva.

Član 16.
(Službene kontrole i inspekcijski nadzor)

Službene kontrole i inspekcijski nadzor nad primjenom ovog pravilnika provodit će se u skladu sa važećim zakonskim propisima.

Član 17.
(Pristup javnosti)

- (1) Zahtjevi za dobivanje rješenja, dodatni podaci koje daje podnosilac zahtjeva, mišljenja Agencije, izvještaji o monitoringu i podaci koje daje nosilac dopuštenja uz izuzetak povjerljivih podataka, moraju biti dostupni javnosti.
- (2) Pri razmatranju zahtjeva za pristup podacima koje čuva Agencija primjenjivat će se odredbe propisa kojima je uređeno pravo na pristup informacijama.

Član 18.
(Povjerljivost)

Podnosilac zahtjeva ima pravo podatke podnesene u skladu s ovim pravilnikom označiti kao povjerljive s obrazloženjem da bi njihovo otkrivanje moglo značajno ugroziti njegov položaj na tržištu. U takvim slučajevima mora se dati prihvatljivo obrazloženje.

Član 19.
(Aneks)

Sastavni dio ovog pravilnika je Aneks.

DIO ČETVRTI - PRIJELAZNE I ZAVRŠNE ODREDBE

Član 20. (Prestanak važenja propisa)

Danom stupanja na snagu ovoga Pravilnika prestaju da važe odredbe Pravilnika o uslovima i postupku izdavanja dozvola za stavljanje nove hrane prvi put na tržište BiH i zahtjevima za označavanje nove hrane („Službeni glasnik BiH“, broj 68/12).

Član 21. (Stupanje na snagu)

Ovaj Pravilnik stupa na snagu osmog dana od dana objavljivanja u „Službenom glasniku BiH“.

Predsjedavajući
Vijeća ministara BiH

Dr. Zoran Tegeltija

VM broj _____22
_____2022. godine
S a r a j e v o

ANEKS I**Tabela 1. Registar rješenja za stavljanje nove hrane na tržište Bosne i Hercegovine**

| r.b. | Ime i adresa podnosioca zahtjeva | Broj zahtjeva za izdavanje rješenja o odobrenju | Mišljenje Komisije | Odobrena nova hrana | Uslovi pod kojima se nova hrana može upotrijebiti | | Dodatni posebni zahtjevi za označivanje proizvoda | Ostali zahtjevi |
|------|----------------------------------|---|--------------------|---------------------|---|----------------------------|---|-----------------|
| | | | | | Određena kategorija hrane | Najveća dopuštena količina | | |
| | | | | | | | | |
| | | | | | | | | |
| | | | | | | | | |

Tabela 2. Specifikacija nove hrane

| r.b. | Odobrena nova hrana | Specifikacija |
|------|---------------------|---------------|
| | | |
| | | |

O B R A Z L O Ž E N J E

ZA DONOŠENJE PRAVILNIKA O USLOVIMA IZDAVANJA DOPUŠTENJA ZA STAVLJANJE NOVE HRANE NA TRŽIŠTE BOSNE I HERCEGOVINE

I. ZAKONSKA OSNOVA

Zakonski osnov za donošenje Pravilnika o uslovima izdavanja dopuštenja za stavljanje nove hrane na tržište Bosne i Hercegovine sadržan je u članu 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), i u članu 31. stav 4. i članu 72. Zakona o hrani („Službeni glasnik BiH“, broj 50/04), na osnovu kojih Vijeće ministara BiH, na prijedlog Agencije za sigurnost hrane BiH u saradnji sa nadležnim organima entiteta i Brčko Distrikta BiH, donosi provedbene propise kojima se uređuje kvalitet hrane.

II. RAZLOZI ZA DONOŠENJE PROPISA I OBJAŠNENJE ODABRANE POLITIKE

Agencija za sigurnost hrane Bosne i Hercegovine formirana je na osnovu Zakona o hrani („Službeni glasnik BiH“, broj 50/04), Odlukom o osnivanju Vijeća ministara BiH, kao samostalna upravna organizacija, autoritet za sigurnost hrane i hrane za životinje, primjenu međunarodnih konvencija i međunarodnih sporazuma iz područja sigurnosti i kvaliteta hrane obavezujućih za Bosnu i Hercegovinu.

Na prijedlog Agencije, u suradnji sa nadležnim tijelima entiteta i Brčko distrikta BiH, Vijeće ministara BiH donosi provedbene propise kojim se uređuje kvalitet hrane, radi:

- a) Zaštite interesa potrošača,
- b) Omogućavanja potrošačima da izvrše izbor u vezi sa hranom koju upotrebljavaju i
- c) Zaštite interesa proizvođača.

U Bosni i Hercegovini je trenutno važeći propis: Pravilnik o uslovima i postupku izdavanja dopuštenja za stavljanje nove hrane prvi put na tržište Bosne i Hercegovine i zahtjevima za posebno označavanje nove hrane („Službeni glasnik BiH“, broj 68/12).

Ovaj pravilnik propisuje zahtjevnju proceduru za stavljanje nove hrane prvi put na tržište, i ne prepoznaje novu hranu koja je kao takva odobrena za stavljanje na tržište Europske unije od strane Europske komisije i evidentirana u Listi nove hrane odobrene za stavljanje na tržište Europske unije. Implementaciju ovog pravilnika, onemogućava i neformiranje Naučnog odbora koji bi davao mišljenja u procesu stavljanja nove hrane prvi put na tržište Bosne i Hercegovine.

Subjekti u poslovanju s hranom u Bosni Hercegovini obraćali su se Agenciji sa zahtjevima za izmjene postojećeg pravilnika ili pripremu novog pravilnika koji će omogućiti ravnopravan položaj subjektima u poslovanju s hranom, da novu hranu koja je kao takva priznata u Europskoj uniji i upisana u Listu nove hrane odobrene za stavljanje na tržište Europske unije, u jednostavnijoj proceduri mogu stavljati na tržište Bosne i Hercegovine.

O navedenom je upoznat i Upravni odbor Agencije, koji je zadužio Agenciju da sagleda mogućnost izmjene i dopune pravilnika u dijelu koji se odnosi na stavljanje na tržište BiH nove

hrane koja je već odobrena u EU, a koje će pojednostaviti procedure stavljanja nove hrane na tržište BiH.

Slijedom naprijed navedenog, Agencija je pripremila novi Pravilnik o uslovima i postupku izdavanja dopuštenja za stavljanje nove hrane na tržište Bosne i Hercegovine. U novom pravilniku, normirano je da je na tržište Bosne i Hercegovine dopušteno stavljanje samo nove hrane koja je kao takva odobrena za stavljanje na tržište Europske unije od strane Europske komisije i evidentirana u Listi nove hrane odobrene za stavljanje na tržište Europske unije, a da Listu nove hrane, kojom se preuzima Lista nove hrane odobrene za stavljanje na tržište Europske unije, Odlukom donosi direktor Agencije za sigurnost hrane BiH i da se ista objavljuje u “Službenom glasniku BiH”.

Listom nove hrane odobrene za stavljanje na tržište Europske unije bi se preuzimala Provedben uredbe (EU) 2017/2470 o utvrđivanju Unijina popisa nove hrane, te bi se na taj način omogućilo blagovremeno i potpuno praćenje zakonodavstva Europske unije kada je u pitanju ažuriranje liste odobrene nove hrane.

III. PRINCIPI NA KOJIMA JE ZASNOVAN PROPIS

Pravnim propisom – Odredbama pravilnika propisuju se uslovi i postupci izdavanja dopuštenja za stavljanje nove hrane na tržište Bosne i Hercegovine kao i uslovi koji se odnose na sljedivost i označavanje nove hrane.

IV. USKLAĐENOST

U pravnom naslijeđu Europske unije (*acquis communautaire*), predmetnu oblast pravnog propisa – Pravilnika o uslovima i postupku izdavanja dopuštenja za stavljanje nove hrane na tržište Bosne i Hercegovine regulirano je:

- UREDBA (EU) 2015/2283 EUROPSKOG PARLAMENTA I VIJEĆA od 25. studenoga 2015. o novoj hrani, o izmjeni Uredbe (EU) br. 1169/2011 Europskog parlamenta i Vijeća i o stavljanju izvan snage Uredbe (EZ) br. 258/97 Europskog parlamenta i Vijeća i Uredbe Komisije (EZ) br. 1852/2001.

V. PROVEDBENI MEHANIZMI I NAČIN OSIGURAVANJA

Službena kontrola i inspeksijski nadzor će se provoditi na način kako je to propisano važećim zakonskim i podzakonskim propisima.

VI. FINANSIJSKA SREDSTVA

Za primjenu odredbi ovog Pravilnika nije potrebno osigurati dodatna sredstva u budžetu Bosne i Hercegovine.

VII. OPIS KONSULTACIJA

U skladu sa članom 17. Pravila za konsultacije u izradi pravnih propisa („Službeni glasnik BiH”, broj 05/17) i odredbama Jedinostvenih pravila za izradu pravnih propisa u institucijama Bosne i Hercegovine („Službeni glasnik BiH”, br. 11/05, 58/14, 60/14, 50/17, 70/17 i 10/21):

- Obavješćavanje i objavljivanje Prijedloga propisa na internet stranici Agencije za sigurnost hrane BiH, u dijelu koji se odnosi na javne konsultacije;
- Direktno dostavljanje Prijedloga propisa na komentare i mišljenja nadležnim organima Bosne i Hercegovine, entiteta i Brčko distrikta Bosne i Hercegovine.
- Stavljanje na web portal e-Konsultacije.

VIII. RASPORED EVENTUALNOG PONOVRNOG PREISPITIVANJA DONESENOG PROPISA

U skladu sa nastalim izmjenama i dopunama legislative Europske unije sa kojom je vršeno usklađivanje, te na osnovu stečenih iskustava kroz primjenu propisa i u skladu sa nastalim potrebama.

IX. EKONOMSKI, SOCIJALNI I OKOLIŠNI UTICAJ PROPISA

Ovaj pravilnik nema nikakvog okolišnog ni ekonomskog utjecaja, dok je socijalni utjecaj vjerovatno mali, s obzirom da se istim, kao provedbenim propisom detaljnije i lakše omogućava implementacija propisa i pravila vezanih za postupak izdavanja dopuštenja za stavljanje nove hrane na tržište BiH.